

Na osnovu člana 16. stav 4. Zakona o Vladi Zeni ko-dobojskog kantona-Preišeni tekst („Službene novine Zeni ko-dobojskog kantona“, broj 7/10), Vlada Zeni ko-dobojskog kantona, na 139. sjednici, održanoj 05.04.2018. godine, d o n o s i

ZAKLJUČAK

I

Utvrđuje se Prijedlog Zakona o dopuni Zakona o porezu na promet nekretnina.

II

Prijedlog Zakona o dopuni Zakona o porezu na promet nekretnina upućuje se u dalju skupštinsku proceduru, po skraćenom postupku.

III

Zaključak stupa na snagu danom donošenja.

Broj: 02-_____/18.

Datum, 05.04.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo finansija,

1x Stručna služba Skupštine,

1x a/a.

PRIJEDLOG

Na osnovu člana 37. stav 1. tačka f) i g) Ustava Zeni ko-dobojskog kantona, Skupština Zeni ko-dobojskog kantona, na ____sjednici, održanoj dana _____, donosi

Z A K O N **o dopuni Zakona o porezu na promet nekretnina**

lan 1. **(Dopuna člana 6. Zakona)**

U članu 6. Zakona o porezu na promet nekretnina („Službene novine Zeni ko-dobojskog kantona“, broj: 6/09 i 6/13), iza tačke n), dodaje se nova tačka o), koja glasi:

“kad osoba starosne dobi do navršениh 35 godina života, prvi put i isključivo radi rješavanja svoga stambenog pitanja, stiče nekretninu na području Zeni ko-dobojskog kantona, u skladu sa odredbama člana 3. ovog zakona, i to stan do 80 m² ili kuću u tlocrtnoj površini do 80m² ili zemljište za gradnju kuće do 600m²;”.

lan 2. **(Stupanje na snagu)**

Zakon stupa na snagu osmog dana od dana objavljivanja u “Službenim novinama Zeni ko-dobojskog kantona”.

Broj:
Datum,
Z e n i c a

PREDSJEDAVAJU I

Jasmin Duvnjak

OBRASLOŽENJE

I USTAVNI OSNOV

Ustavni osnov za donošenje ovog zakona sadržan je u članu 37. stav 1. tačka f) i g) Ustava Zeni ko-dobojskog kantona.

II RAZLOZI ZA DONOŠENJE

Poslanik u Skupštini Zeni ko-dobojskog kantona, gospodin Amil Buljubašić je uputio poslaničku inicijativu na 40. sjednici Skupštine Zeni ko-dobojskog kantona, održanoj 08.05.2017. godine, a kojom se predlaže donošenje Zakona o izmjeni i dopuni Zakona o porezu na promet nekretnina („Službene novine Zeni ko-dobojskog kantona“, broj: 6/09 i 6/13), u smislu da se kupovina nekretnine (stana ili kuće određene kvadrature ili kupovina parcele od 600 m²) za mlade koji prvi put rješavaju svoje stambeno pitanje oslobodi plaćanja poreza na promet nekretnina.

Kako je članom 5. Zakona o porezu na promet nekretnina („Službene novine Zeni ko-dobojskog kantona“, broj: 6/09 i 6/13), propisano, da je porez na promet nekretnina „prihod budžeta općine na čijem području je ostvaren“, Ministarstvo finansija je navedenu Inicijativu uz svoj akt broj: 07-02-7310/17 od 15.05.2017. godine, dostavilo Savezu općina i gradova FBiH, radi pribavljanja njihovog mišljenja po navedenom pitanju.

Naime, odredbama člana 34. stav 4. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), propisano je: „Zakonodavac je dužan pribaviti mišljenje od Saveza općina i gradova o svim pitanjima koja se odnose na dodjelu sredstava, kao i o svim promjenama zakona koje mogu utjecati na finansijske obaveze jedinica lokalne samouprave.“

U aktu Saveza općina i gradova Federacije BiH, broj: 408/17 od 30.06.2017. godine, navedeno je da je Predsjedništvo Skupštine Saveza na svojoj Prvoj sjednici održanoj 28.06.2017. godine u Sarajevu, uzme u ostalog, razmatralo i predmetnu Inicijativu, te donijelo slijedeći zaključak:

- „Predsjedništvo Skupštine Saveza općina i gradova FBiH ne može zauzeti stav o ovoj inicijativi zbog različitog mišljenja jedinica lokalne samouprave Zeni ko-dobojskog kantona;

- Predsjedništvo Skupštine Saveza općina i gradova FBiH predlaže da se, u najvišoj mjeri uvažavaju mišljenja jedinica lokalne samouprave sa područja Zeni ko-dobojskog kantona pošto se radi o 100%-nom prihodu jedinica lokalne samouprave.“

Imajući u vidu da bi usvajanje navedene Inicijative dovelo do smanjenja prihoda grada i općina sa područja Zeni ko-dobojskog kantona, jer je porez na promet nekretnina „prihod budžeta općine na čijem području je ostvaren“, a kako iz navedenog Zaključka Predsjedništva Skupštine Saveza općina i gradova FBiH proizilazi da određene jedinice lokalne samouprave sa područja Zeni ko-dobojskog kantona nisu bile saglasne sa prihvatanjem navedene Inicijative, Ministarstvo finansija je dalo svoje Mišljenje broj: 07-02-7310-3/17 od 30.10.2017. godine, u smislu da se da se iz navedenih razloga (zbog odsustva nedvosmislene saglasnosti svih jedinica lokalne samouprave sa područja Zeni ko-dobojskog kantona i pozitivnog mišljenja Saveza općina i gradova), predmetna Inicijativa ne treba prihvatiti.

S tim u vezi, na prijedlog Ministarstva finansija, Vlada Zeni ko-dobojskog kantona je donijela Zaključak broj: 02-02-15586/17 od 15.11.2017. godine, kojim je prihvaćeno Mišljenje Ministarstva finansija Zeni ko-dobojskog kantona broj: 07-02-7310-3/17 od 30.10.2017. godine, čime se poslanička inicijativa poslanika u Skupštini Zeni ko-dobojskog kantona, gospodina Amila Buljubašića, kojom se predlaže donošenje Zakona o izmjeni i dopuni Zakona o porezu na promet nekretnina („Službene novine Zeni ko-dobojskog

kantona“, broj: 6/09 i 6/13), ocjenjuje neprihvatljivom, te se Zaključak sa Mišljenjem Ministarstva finansija upućuje se u dalju skupštinsku proceduru.

Međutim, na svojoj 55. sjednici Skupština Zeni ko-dobojskog kantona je donijela Zaključak broj: 01-02-1646/18 od 31.01.2018. godine, **kojim se prihvata** Inicijativa Amila Buljubašića, poslanika u Skupštini Zeni ko-dobojskog kantona za donošenje Zakona o izmjeni i dopuni Zakona o porezu na promet nekretnina („Službene novine Zeni ko-dobojskog kantona“, broj: 6/09 i 6/13), **te se zadužuje Ministarstvo finansija Zeni ko-dobojskog kantona i Vlada Zeni ko-dobojskog kantona, da u smislu predložene inicijative, pripreme i u skupštinsku proceduru dostave Prijedlog Zakona** o izmjeni i dopuni Zakona o porezu na promet nekretnina.

S tim u vezi, Ministarstvo finansija Zeni ko-dobojskog kantona je u skladu sa zaduženjem iz tačke 2. Zaključka Skupština Zeni ko-dobojskog kantona broj: 01-02-1646/18 od 31.01.2018. godine, pripremila Prijedlog Zakona o dopuni Zakona o porezu na promet nekretnina.

III OBRAZLOŽENJE PRAVNIH RJEŠENJA

U skladu sa tačkom 1. i 2. Zaključka Skupština Zeni ko-dobojskog kantona broj: 01-02-1646/18 od 31.01.2018. godine, u članu 6. Zakona o porezu na promet nekretnina („Službene novine Zeni ko-dobojskog kantona“, broj: 6/09 i 6/13), iza tačke n), dodaje se nova tačka o), koja glasi:

“kad osoba starosne dobi do navršениh 35 godina života, prvi put i isključivo radi rješavanja svoga stambenog pitanja, stiče nekretninu na području Zeni ko-dobojskog kantona, u skladu sa odredbama člana 3. ovog zakona, i to stan do 80 m² ili kuću u tlocrtnoj površini do 80m² ili zemljište za gradnju kuće do 600m²;”.

U skladu sa članom 140. Poslovnika Skupštine Zeni ko-dobojskog kantona – Novi prečišćeni tekst („Službene novine Zeni ko-dobojskog kantona“, broj: 7/12 i 12/13), predlaže se upućivanje Zakona o dopuni Zakona o porezu na promet nekretnina u skupštinsku proceduru po skraćenom postupku, u formi prijedloga, iz razloga što nije u pitanju složen i obiman zakon.

IV FINANSIJSKI EFEKTI

Donošenje Prijedloga Zakona o dopuni Zakona o porezu na promet nekretnina neće iziskivati izdvajanje dodatnih finansijskih sredstava iz Budžeta Zeni ko-dobojskog kantona, odnosno donošenje Prijedloga Zakona nema nikakvih fiskalnih efekata po Budžet Kantona.

2973

Bosna i Hercegovina
Federacija Bosne i Hercegovine
ZENIČKO - DOBOJSKI KANTON
MINISTARSTVO ZA
PRAVOSUĐE I UPRAVU



02 21931

Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF
JUDICIARY & ADMINISTRATION

Ministarstvo financija
n/r ministra
-ovdje-

Zenica, 23.3.2018.godine
Veza Vaš broj:07-02-1646-1/17 od 16.3.2018
Naš znak: 06/02-02-1646-2/18

PREDMET: Prijedlog Zakona o dopuni Zakona o porezu na promet nekretnina - stajalište, dostavlja se

Sukladno članku 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), i članku 31. stavak (1) točka a) Poslovnika o radu Vlade Zeničko-dobojskog kantona („Službene novine Zeničko – dobojskog kantona“ broj: 5/11), te na osnovu uvida u tekst Prijedloga Zakona o dopuni Zakona o porezu na promet nekretnina (u daljem tekstu: Prijedloga Zakona) dostavljene aktom veze, u postupku pravne analize Prijedloga Zakona, provedene sa ciljem utvrđivanje usklađenosti iste sa:


- Europskom konvencijom o zaštiti ljudskih prava i sloboda i drugim pravima;
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14);
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), daje:

stajalište

Prijedlozi navedenog akata u predloženom tekstu ne sadrže odredbe koje se odnose na navedene propise, tako da ovo ministarstvo sukladno članku 11. Zakona o kantonalnim ministrstvima i drugim tijelima kantonalne uprave, ne može dati stajalište o istim.

S štovanjem,

Dostaviti:
1 x Naslovu
1 x U pismohranu



MINISTAR
Mirnes Bašić



Broj: 03-02-4739-1118
Zenica, 20.03.2018. godine

012

**MINISTARSTVO FINANSIJA
ZENIČKO-DOBOJSKOG KANTONA**

PREDMET: Mišljenje o prijedlogu Zakona o dopunama Zakona o porezu na promet nekretnina - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko – dobojskog kantona («Službene novine Federacije BiH» broj 8/96 i «Službene novine Zeničko – dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona ("Službene novine Zeničko – dobojskog kantona" broj: 5/11), te na osnovu uvida u tekst prijedloga Zakona o dopunama Zakona o porezu na promet nekretnina u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni i pravni osnov prijedloga Zakona o dopunama Zakona o porezu na promet nekretnina (u daljem tekstu: Zakon) je pravilno utvrđen, u skladu sa ustavnim i zakonskim ovlaštenjima Kantona.

Prijedlog Zakona je urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08.)

Međutim, ovdje valja ukazati na činjenicu da je Savez općina i gradova F BiH odgovarajući na upit Ministarstva finansija upućen shodno članu 34. stav 4. Zakona o principima lokalne samouprave u Federaciji BiH ("Službene novine Federacije BiH", broj: 49/06 i 51/09), kojim je propisano da je zakonodavac dužan pribaviti mišljenje od Saveza općina i gradova F BiH o svim pitanjima koja se odnose na dodjelu sredstava, kao i o svim promjenama zakona koje mogu uticati na finansijske obaveze jedinica lokalne samouprave, odgovorio da ne može zauzeti stav o predloženoj dopuni (po inicijativi zastupnika) zbog različitog mišljenja jedinica lokalne samouprave Zeničko-dobojskog kantona, a riječ je o stopostotnom prihodu jedinica lokalne samouprave.

Kada je u pitanju prijedlog Ministarstva finansija, kao obrađivača (koji predlaže dopunu postupajući po zaključku Skupštine Kantona), da se Zakon donese u skraćenom postupku, bez nacрта, jer nije u pitanju složen i obiman zakon, smatramo potrebnim podsjetiti da se zakoni u pravilu, trebaju donositi u redovnom postupku.

No kako će o prijedlogu da se Zakon donese po skraćenom postupku, odlučivati Skupština kao o prethodnom pitanju, na sjednici, tokom rasprave o dnevnom redu, shodno članu 140. stav 3. Poslovnika Skupštine Zeničko-dobojskog kantona – Novi pročišćeni tekst („Službene novine Zeničko-dobojskog kantona broj 7/12 i 12/13), mišljenja smo de se, imajući u vidu naprijed navedeno, prijedlog Zakona može uputiti u daljnju proceduru.

S poštovanjem,

Dostavljeno:
1 x Naslovu,
1 x a/a



SEKRETAR
Berjana Ačkar
Berjana Ačkar



SLUŽBENE NOVINE

ZENIČKO - DOBOJSKOG KANTONA

Godina XIV - Broj 6

ZENICA, ponedjeljak, 27.04.2009.

SKUPŠTINA

77.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na 28. sjednici, održanoj dana 31.03.2009. godine, donosi

ZAKON o porezu na promet nekretnina

DIO PRVI - OSNOVNE ODREDBE

Član 1. (Predmet)

Ovim zakonom se uređuje sistem poreza koji se plaća na promet nekretnina u Zeničko-dobojskom kantonu (u daljem tekstu: Kanton).

Član 2. (Definicija poreznog obveznika)

Porezni obveznik u smislu ovog Zakona je fizičko i pravno lice.

Član 3. (Definicija prometa nekretnina)

Pod prometom nekretnina, u smislu ovog zakona, podrazumijeva se prodaja, zamjena i drugi prenos vlasništva, osim prenosa vlasništva po osnovu naslijeđa i poklona.

Član 4. (Definicija nekretnine)

- (1) Pod nekretninom u smislu ovog zakona smatraju se:
 - a) zemljište i
 - b) nepokretni građevinski objekti - građevina u smislu Zakona o gradnji („Službene novine Zeničko-dobojskog kantona“, broj: 1/05 i 2/08).
- (2) Izuzetno, sa nekretninom se izjednačava privremena građevina (kiosk i sl.).

Član 5. (Pripadnost prihoda)

Porez na promet nekretnina je prihod budžeta općine na čijem području je ostvaren.

Član 6. (Oslobađanje od plaćanja poreza na promet nekretnina)

Porez na promet nekretnina ne plaća se:

- a) na promet nekretnina između Bosne i Hercegovine, Federacije Bosne i Hercegovine, kantona, grada, općine i njihovih organa uprave;
- b) na promet nekretnina u postupku komasacije, arondacije i eksproprijacije i na osnovu ugovora zaključenog umjesto eksproprijacije ili arondacije, te kada se vrši promet nekretnina na osnovu zakona, neovisno od volje poreznog obveznika;
- c) kada građanin, bivši vlasnik eksproprijirane nekretnine, u roku od jedne godine od dana kada je primio naknadu za eksproprijiranu nekretninu, kupi drugu nekretninu, i to do iznosa naknade koja odgovara naknadi za eksproprijiranu nekretninu;
- d) kada se vrši prva prodaja još nenastanjene novosagrađene stambene zgrade ili novosagrađenog stana kao posebnog dijela zgrade, ili novosagrađene poslovne zgrade ili novosagrađenog poslovnog prostora kao posebnog dijela zgrade;
- e) kada se nekretnina prenosi na strano konzularno ili diplomatsko predstavništvo, pod uslovima reciprociteta i na druge međunarodne organizacije za koje je međunarodnim sporazumom dogovoreno porezno oslobađanje;
- f) kad se stan u državnom vlasništvu prodaje licu koje ima stanarsko pravo na tom stanu, ili članu njegovog porodičnog domaćinstva i licu kojem je dodijeljen stan u skladu sa Zakonom o vraćanju, dodjeli i prodaji stanova („Službene novine Federacije Bosne i Hercegovine“, broj: 28/05 i 2/08);
- g) kada se pravo vlasništva na nekretnini prenosi na općinu, Kanton i drugu ustanovu radi ostvarivanja socijal-

ne sigurnosti, odnosno doživotnog izdržavanja:

- h) kada se pravo vlasništva na nekretnini prenosi na vjersku instituciju;
- i) prilikom prenosa prava vlasništva na nekretnini u skladu sa propisima kojima se uređuje privatizacija državnog vlasništva;
- j) prilikom zamjene nekretnina, osim za razliku prometne vrijednosti nekretnina koje se zamjenjuju;
- k) na promet nekretnina u slučajevima kada:
 - 1) dobitnik ratnog priznanja ili odlikovanja, ratni vojni invalid, demobilizirani branilac-učesnik rata i demobilizirani branilac koji je bio pripadnik Oružanih snaga najmanje šest mjeseci ukoliko je u oružane snage stupio kao maloljetno lice, član porodice šehida, poginulog, umrlog i nestalog branioca i umrlog ratnog vojnog invalida i svaki član uže porodice poginulog, umrlog ili nestalog dobitnika ratnog priznanja ili odlikovanja, udovica umrlog demobiliziranog branioca-učesnika rata, udovica umrlog demobiliziranog branioca koji je bio pripadnik Oružanih snaga najmanje šest mjeseci ukoliko je u Oružane snage stupio kao maloljetno lice-kupovinom stana, kuće ili zemljišta za gradnju kuće u površini: do 600 m² trajno rješava svoje stambeno pitanje po prvi puta ili u postupku stambenog zbrinjavanja usljed 100% ratne štete na ranijem stambenom objektu.
 - 2) pojmovi i definicije utvrđene u alineji 1) ove tačke, status pripadnika boračke populacije i druga pitanja propisani su odredbama Zakona o pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/05 i 70/07), Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije Bosne i Hercegovine“, broj: 70/05 i 61/06), Zakona o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 61/06, 27/08 i 32/08) i Zakona o dopunskim pravima branilaca i članova njihovih porodica („Službene novine Zeničko-dobojskog kantona“, broj: 6/06 i 9/07);
 - l) na promet zemljišta površine 0,5 ha i veće ako je prostornim, odnosno urbanističkim planom općine taj prostor utvrđen kao poljoprivredno zemljište, kad je kupac zemljišta fizičko ili pravno lice koje je u skladu sa zakonom registrovano za poljoprivrednu djelatnost;
 - m) na prenos vlasništva na nepokretnostima kada se unese prilikom osnivanja društva, kada se ulažu u kapital društva (dokapitalizacija), te kada se vraćaju istom licu koje je izvršilo ulaganje, pod uvjetom da su takve nekretnine unesene u društvo i upisane u kapital društva i da se kao takve drže u kapitalu društva najmanje tri godine od dana upisa takvog ulaganja u sudski registar.

DIO DRUGI – ELEMENTI ZA UTVRĐIVANJE POREZA

Član 7. (Obveznik poreza)

- (1) Obveznik poreza na promet nekretnina je prodavalac nekretnine.
- (2) Pri zamjeni nekretnina porezni obveznik je učesnik u zamjeni koji daje u zamjenu nekretninu veće vrijednosti.
- (3) Ako se prenosi idealni dio vlasništva na nekretnini, porezni obveznik je svaki suvlasnik posebno.
- (4) Obveznik poreza na promet nekretnina kod prodaje nekretnine u likvidacionom, stečajnom i izvršnom postupku je kupac nekretnine ili lice kome je nekretnina dosudena rješenjem suda.
- (5) Ugovorne strane mogu se drugačije dogovoriti o obvezniku poreza iz stava (1), (2), (3) i (4) ovog člana.

Član 8. (Obveznik poreza po osnovu ugovora o doživotnom izdržavanju)

- (1) Ako se pravo vlasništva na nekretnini prenosi ugovorom o doživotnom izdržavanju, porezni obveznik je primalac nekretnine, odnosno njegovi nasljednici.
- (2) Ako je primalac nekretnine iz stava (1) ovog člana u odnosu prema davaocu nekretnine nasljednik prvog nasljednog reda, ne plaća porez na promet nekretnina.

Član 9. (Porezna osnovica)

- (1) Osnovica poreza na promet nekretnine je prometna vrijednost nekretnine u trenutku nastanka porezne obaveze.
- (2) Prilikom zamjene nekretnina porezna osnovica je razlika prometnih vrijednosti nekretnina koje se zamjenjuju.
- (3) Ako suvlasnici prenose idealni dio vlasništva na nekretnini, porezna osnovica se utvrđuje posebno za svakog suvlasnika, prema prometnoj vrijednosti njegovog dijela nekretnine.
- (4) Kod prodaje nekretnine u likvidacionom, stečajnom i izvršnom postupku porezna osnovica je postignuta prodajna cijena.

Član 10. (Prometna vrijednost nekretnine)

- (1) Pod prometnom vrijednošću nekretnine podrazumjeva se cijena nekretnine, koja se postiže ili se može postići na tržištu u trenutku nastanka porezne obaveze.
- (2) Prometnu vrijednost nekretnine procjenjuje stručna ko-

misija (u daljem tekstu: Komisija) koju imenuje općinskog vijeće, a koju čine predsjednik i dva člana.

- (3) U Komisiju mogu biti imenovane osobe koje imaju VII stepen stručne spreme iz oblasti građevinarstva, arhitekture, geodezije, poljoprivrede, prava i ekonomije i najmanje pet godina radnog iskustva u struci i spremi.
- (4) Komisija se imenuje na period od 2 (dvije) godine.
- (5) Načelnik općine Pravilnikom propisuje način rada Komisije, odnosno propisuje kriterije na osnovu kojih se vrši utvrđivanje vrijednosti nekretnine – procjena vrijednosti nekretnine.
- (6) Predsjedniku i članovima Komisije pripada naknada za rad u Komisiji u visini koju utvrđuje općinsko vijeće.
- (7) Vlasnik, odnosno korisnik nekretnine dužan je Komisiji dopustiti pristup na zemljište i objekte radi procjene prometne vrijednosti nekretnine.

Član 11. (Porezna stopa)

Porez na promet nekretnina plaća se po stopi od 5%.

Član 12. (Nastanak porezne obaveze)

- (1) Porezna obaveza nastaje u trenutku zaključenja ugovora o prodaji ili zamjeni nekretnine.
- (2) Ako se prenos prava vlasništva vrši na građevinskim objektima koji su u izgradnji porezna obaveza nastaje u trenutku predaje objekta kupcu.
- (3) Ako se prenos prava vlasništva na nekretnini obavlja na osnovu odluke organa uprave ili suda, porezna obaveza nastaje u trenutku pravosnažnosti te odluke.

Član 13. (Promjena upisa vlasništva)

Sudovi i organi uprave dužni su Poreznoj upravi - Kantonalnom uredu - nadležnoj ispostavi dostaviti svoje odluke, na osnovu kojih se vrši promjena upisa vlasništva na nekretninama u zemljišnim knjigama, u roku od 15 dana od dana njihove pravosnažnosti.

Član 14. (Nastanak porezne obaveze kod ugovora o doživotnom izdržavanju)

- (1) Ako se na osnovu ugovora o doživotnom izdržavanju, pravo vlasništva na nekretnini prenosi prije smrti primaoca izdržavanja, porezna obaveza nastaje u trenutku zaključenja ugovora o doživotnom izdržavanju.
- (2) Ako se, na osnovu ugovora o doživotnom izdržavanju, pravo vlasništva na nekretnini prenosi nakon smrti pri-

maoca izdržavanja, porezna obaveza nastaje u trenutku smrti primaoca izdržavanja.

Član 15. (Razrez poreza)

- (1) Porezna uprava dužna je u roku od 3 (tri) dana od prijema porezne prijave za razrez poreza na promet nekretnina istu dostaviti Komisiji.
- (2) Komisija je dužna u roku od 8 (osam) dana od dana prijema prijave izvršiti procjenu vrijednosti nekretnine i zapisnik o izvršenoj procjeni dostaviti poreznom obvezniku.
- (3) Na zapisnik Komisije porezni obveznik ima pravo prigovora u roku od 5 (pet) dana od dana prijema.
- (4) Po razmotrenom prigovoru Komisija u roku od 3 (tri) dana po isteku roka za podnošenje prigovora dostavlja zapisnik nadležnoj ispostavi porezne uprave, sa stavom o prigovoru.
- (5) Razrez poreza na promet nekretnina vrši Porezna uprava - Kantonalni ured - nadležna ispostava u općini gdje se nekretnina nalazi.

Član 16. (Prijava nastanka obaveze)

- (1) Porezni obveznik je dužan u roku od 15 dana od dana nastanka porezne obaveze Poreznoj upravi-Kantonalni ured-nadležna ispostava prijaviti nastanak porezne obaveze.
- (2) Uz prijavu o nastanku porezne obaveze porezni obveznik podnosi ugovor o kupoprodaji ili zamjeni nekretnina, a ako se promet nekretnina vrši drugim pravnim poslom, odlukom organa uprave ili suda, porezni obveznik podnosi ispravu o tom pravnom poslu, odnosno odluku organa uprave ili suda.
- (3) Oblik i sadržaj porezne prijave iz stava (2) ovog člana propisat će ministar Ministarstva finansija Zeničko-dobojskog kantona, Pravilnikom o obliku i sadržaju porezne prijave, u roku od 30 dana od dana stupanja na snagu ovog zakona.

Član 17. (Rok izvršenja razreza poreza)

Nadležna ispostava porezne uprave dužna je u roku od 30 dana od dana primljene prijave o nastanku porezne obaveze, izvršiti razrez poreza na promet nekretnina i dostaviti rješenje o razrezu poreza poreznom obvezniku i licu koje solidarno jamči za naplatu poreza.

Član 18.**(Razrez poreza zbog nepravovremene prijave porezne obaveze)**

Ako obveznik poreza nastanak porezne obaveze ne prijavi blagovremeno, obavit će se procjena prometne vrijednosti nekretnina i razrez poreza kao da je porezna obaveza nastala na dan prijavljivanja, odnosno otkrivanja porezne obaveze i to prema stanju nekretnine u trenutku nastanka porezne obaveze.

Član 19.**(Rok plaćanja poreza)**

Porezni obveznik je dužan u roku od 15 dana od dana dostave rješenja o razrezu poreza na promet nekretnina platiti razrezani iznos poreza.

Član 20.**(Zatezna kamata)**

- (1) Porezni obveznik koji poreznu obavezu ne plati blagovremeno platit će zateznu kamatu za svaki dan zakašnjenja na osnovicu koju čini utvrđeni dio poreza.
- (2) Visinu zatezne kamate utvrđuje Vlada Kantona.

Član 21.**(Mjesto plaćanja poreza)**

- (1) Porez na promet nekretnina plaća se prema mjestu gdje se nekretnina nalazi, na propisani uplatni račun.
- (2) Bez dokaza o plaćenom porezu na promet nekretnina ne može se izvršiti uknjižba vlasništva na nekretnini.

Član 22.**(Definicija supsidijarnog dužnika)**

Supsidijarni dužnik poreza na promet nekretnina je kupac, odnosno strana koja ugovorom nije određena kao obveznik plaćanja poreza na promet nekretnina.

Član 23.**(Prisilna naplata)**

Od poreznog obveznika koji dospjeli porez ne plati u propisanom roku, naplata će se izvršiti prisilno prema uslovima propisanim Zakonom o Poreznoj upravi Federacije Bosne i Hercegovine („Službene novine Federacije Bosne i Hercegovine“, broj: 33/02 i 28/04, u daljem tekstu: Zakon o poreznoj upravi).

Član 24.**(Povrat poreza koji porezni obveznik nije dužan platiti)**

Porezni obveznik koji je platio porez na promet nekretnina, a koji nije bio dužan da ga plati, ima pravo na povrat plaćenog poreza, plaćene kamate i troškova prisilne naplate prema uslovima propisanim Zakonom o Poreznoj upravi.

Član 25.**(Povrat poreza usljed raskidanja ugovora voljom stranaka prije prenosa vlasništva)**

Ako ugovor o prijenosu vlasništva na nekretnini bude raskinut voljom stranaka prije prijenosa vlasništva u zemljišnim knjigama na novog vlasnika ili ako ugovor bude raskinut ili poništen odlukom suda, porezni obveznik ima pravo na povrat plaćenog poreza.

Član 26.**(Povrat poreza usljed neispunjenja ugovora zbog smetnje ili djelimičnog izvršenja)**

Ako se ugovor o prijenosu vlasništva na nekretnini zbog neke smetnje ne može izvršiti ili se izvrši samo djelimično porezni obveznik ima pravo na povrat odgovarajućeg dijela plaćenog poreza, ako kupac nije u posjedu nekretnine.

Član 27.**(Organi nadležni za prijem zahtjeva i povrat poreza)**

- (1) Porezni obveznik zahtjev za povrat plaćenog poreza na promet nekretnina podnosi nadležnoj ispostavi porezne uprave, uz koji prilaže i dokaz o plaćenom porezu.
- (2) Pravo na povrat poreza, plaćene kamate i troškove prinudne naplate utvrđuje Ministarstvo finansija rješenjem, a na osnovu rješenja nadležnih ispostava Porezne uprave-Kantonalnog ureda.
- (3) Povrat poreza vrši se u skladu sa Pravilnikom o procedurama za povrat više ili pogrešno uplaćenih javnih prihoda sa Jedinstvenog računa trezora Zeničko-dobojskog kantona („Službene novine Zeničko-dobojskog kantona“, broj: 6/05) u roku od 20 radnih dana nakon prijema zahtjeva.

Član 28.**(Pravo na kamatu usljed neblagovremenog povrata poreza)**

Ukoliko poreznom obvezniku nije vraćen porez za koji je ostvario pravo na povrat u roku iz člana 27. ovog zakona, na iznos poreza koji nije bio dužan platiti, a koji nije vraćen

u propisanom roku porezni obveznik ima pravo na zateznu kamatu iz člana 20. ovog zakona.

DIO TREĆI - ŽALBENI POSTUPAK I ZASTARA

Član 29. (Žalbeni postupak)

- (1) Protiv rješenja porezne uprave o razrezu poreza može se izjaviti žalba u roku od 8 radnih dana od dana prijema rješenja.
- (2) Žalba se podnosi Poreznoj upravi Federacije Bosne i Hercegovine – Kantonalnom poreznom uredu Zenica putem porezne ispostave koja je donijela rješenje o razrezu poreza na promet nekretnina.
- (3) Žalba ne odlaže izvršenje rješenja o razrezu poreza.

Član 30. (Rokovi zastare)

- (1) Na pitanja vezana za zastarjelost razreza, prinudne naplate poreza i kamata, povrata pogrešno ili više plaćenog poreza, plaćene kamate, troškova prinudne naplate, primjenjuju se odgovarajuće odredbe Zakona o Poreznoj upravi.
- (2) Prekršajni postupak ne može se pokrenuti niti voditi kada prođu tri godine od dana kada je prekršaj izvršen.
- (3) Bez obzira na prekid zastarjelosti prekršajni postupak se ne može pokrenuti niti voditi kada protekne dva puta onoliko vremena koliko je predviđeno u stavu (2) ovog člana.

Član 31. (Prekid zastare)

- (1) Rok zastare prava na razrez poreza na promet nekretnina, prava na naplatu kamate i troškova prisilne naplate prekida se svakom službenom radnjom nadležnog organa za ubiranje poreza, a koju je preduzelo u cilju razreza i naplate poreza.
- (2) Rok zastare prava na povrat nepravilno ili više plaćenog poreza, kamate i troškova prisilne naplate prekida se svakom radnjom poreznog obveznika koju je preduzeo kod nadležnog organa za ubiranje poreza.
- (3) Poslije svakog prekida zastare počinje teći novi rok zastare.
- (4) Zastara u svakom slučaju nastupa nakon isteka pet godina od dana kada je prvi put počela teći.

DIO ČETVRTI - KAZNENE ODREDBE

Član 32. (Kaznene odredbe za fizičko lice)

Novčanom kaznom od 20,00 KM do 1.500,00 KM ka-

znit će se za prekršaj porezni obveznik fizičko lice ako:

- a) ovlaštenom licu ne dozvoli pristup na zemljište ili objekte radi procjene prometne vrijednosti nekretnine (član 10.),
- b) u propisanom roku ne prijavi nastanak porezne obaveze (član 16.),
- c) razrezani porez ne plati u propisanom roku (član 19.).

Član 33. (Kaznene odredbe za pravno lice)

- (1) Novčanom kaznom u visini od 500,00 KM do 15.000,00 KM kaznit će se za prekršaj porezni obveznik pravno lice ako:
 - a) ne dozvoli pristup ovlaštenom licu na zemljište i objekte radi utvrđivanja prometne vrijednosti nekretnine (član 10.),
 - b) u propisanom roku ne prijavi nastanak porezne obaveze (član 16.),
 - c) razrezani porez ne plati u propisanom roku (član 19.).
- (2) Novčanom kaznom za prekršaj propisan u stavu (1) ovog člana kaznit će se odgovorno lice u pravnom licu u visini od 50,00 KM do 3.000,00 KM.

Član 34. (Organi nadležni za podnošenje prijave za prekršajni postupak)

- (1) Prekršajni nalog ili zahtjev za pokretanje prekršajnog postupka (u daljem tekstu: Zahtjev) zbog povreda odredbi člana 10. stav (7) ovog zakona podnosi Komisija iz člana 10. stav (2) ovog zakona, a za povredu odredbi člana 16. i člana 19. ovog zakona ispostava Porezne uprave nadležna za razrez poreza na promet nekretnina.
- (2) Zahtjev iz stava (1) ovog člana podnosi se nadležnom Općinskom sudu-Odjeljenju za prekršaje.

DIO PETI - PRIJELAZNE I ZAVRŠNE ODREDBE

Član 35. (Rok za donošenje pravilnika)

Načelnik općine će u roku od 30 dana od dana stupanja na snagu ovog zakona donijeti Pravilnik o načinu rada Komisije i kriterijima na osnovu kojih se vrši utvrđivanje vrijednosti nekretnine - procjena vrijednosti nekretnine iz člana 10. stav (5) ovog zakona.

Član 36. (Primjena Zakona o porezu na promet nekretnina)

U postupcima pokrenutim kod nadležnog poreznog or-

gana, prije stupanja na snagu ovog zakona, primjenjivat će se odredbe Zakona o porezu na promet nekretnina - Prečišćeni tekst („Službene novine Zeničko-dobojskog kantona“, broj: 13/08).

Član 37.
(Prestanak važenja Zakona)

Danom početka primjene ovog zakona prestaje da važi Zakon o porezu na promet nekretnina - Prečišćeni tekst („Službene novine Zeničko-dobojskog kantona“, broj: 13/08).

Član 38.
(Stupanje na snagu Zakona)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-8661/09 **PREDSJEDAVAJUĆI**
Datum, 01.04.2009. godine
Zenica **Sejad Zaimović, s.r.**

78.

Na osnovu člana 37. stav 1. tačka f. Ustava Zeničko-dobojskog kantona, člana 1. stav 2. i članova 196. i 219. Zakona o izvršenju krivičnih sankcija u Federaciji Bosne i Hercegovine („Službene novine Federacije BiH“, broj: 44/98 i 42/99) i člana 44. stav 7. Krivičnog zakona Federacije Bosne i Hercegovine („Službene novine Federacije Bosne i Hercegovine“ broj: 36/03, 37/03, 21/04, 69/04 i 18/05), Skupština Zeničko-dobojskog kantona, na 28. sjednici održanoj 31.03.2009. godine, donosi:

ZAKON
O IZVRŠENJU SANKCIJA U ZENIČKO-
DOBOJSKOM KANTONU

DIO PRVI - OSNOVNE ODREDBE

Član 1.
(Sadržaj)

Ovim Zakonom uređuje se izvršenje novčane kazne, mjera sigurnosti i odgojnih mjera izrečenih učiniocu krivičnog djela, odgoda i prekid izvršenja odgojnih mjera, izvršenje prekršajnih sankcija, kao i druga pitanja od značaja za izvršenje sankcija u Zeničko-dobojskom kantonu (u daljnjem tekstu: Kanton).

Član 2.
(Način izvršenja sankcija i mjera)

Sankcije i mjere iz člana 1. ovog Zakona, izrečene učiniocu krivičnog djela (u daljnjem tekstu: osuđeno lice) i prekršaja (u daljnjem tekstu: kažnjeno lice) izvršavaju se na način uređen Zakonom o izvršenju krivičnih sankcija u Federaciji Bosne i Hercegovine i ovim zakonom ako posebnim zakonom nije drugačije propisano.

Član 3.
(Organi izvršenja sankcija i mjera)

- (1) Na teritoriji Kantona, sankcije i mjere iz člana 1. ovog Zakona, za osuđena lica i kažnjena lica, koja imaju prebivalište, boravište, odnosno sjedište na teritoriji Kantona (u daljnjem tekstu: prebivalište), izvršavaju slijedeći organi:
 - a) sud koji je donio prvostepenu odluku kojom je sankcija izrečena (u daljnjem tekstu: prvostepeni sud),
 - b) centar za socijalni rad - služba socijalne zaštite općine u kojoj osuđeno maloljetno lice ima prebivalište (u daljnjem tekstu: centar za socijalni rad),
 - c) Ministarstvo unutrašnjih poslova Kantona - policijska uprava općine na teritoriji Kantona u kojoj osuđeno, odnosno kažnjeno lice ima prebivalište (u daljnjem tekstu: policijska uprava),
 - d) nadležni inspekcijски organ čije je sjedište na teritoriji Kantona (u daljnjem tekstu: inspekcijски organ).
- (2) Organi iz stava (1) ovog člana izvršavaju i sankcije i mjere koje su osuđenim, odnosno kažnjenim licima, koja imaju prebivalište na teritoriji Kantona, izrekli sudovi i drugi ovlašteni organi čije sjedište nije na teritoriji Kantona.
- (3) Sankcije i mjere koje su osuđenim, odnosno kažnjenim licima, koja nemaju prebivalište, odnosno sjedište na teritoriji Kantona, izrekli sudovi ili drugi organi čije je sjedište na teritoriji Kantona, izvršavaju ovlašteni organi određeni zakonom kantona u kojem osuđeno, odnosno kažnjeno lice ima prebivalište.

Član 4.
(Lišavanje ili ograničavanje prava)

Lica prema kojima se izvršavaju sankcije i mjere lišavaju se prava ili se ograničavaju u pravima samo u granicama nužnim za ostvarivanje svrhe pojedinih sankcija i mjera. u skladu sa zakonom.

Član 5.
(Odluka koja se izvršava)

- (1) Izvršenju sankcije i mjere pristupa se kad odluka kojom je izrečena sankcija, odnosno mjera postala pravosnažna.

156.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na 36. sjednici, održanoj dana 07.05.2013. godine, donosi

ZAKON**o dopuni Zakona o porezu na promet nekretnina****Član 1.****(Dopuna člana 6.)**

U članu 6. stav 1. Zakona o porezu na promet nekretnina („Službene novine Zeničko-dobojskog kantona“, broj: 6/09), iza tačke m) dodaje se nova tačka n), koja glasi:

“na promet nekretnina između općine i drugih lica ukoliko je obveznik poreza na promet nekretnina općina na čijem području se ta nekretnina nalazi“.

Član 2.**(Stupanje na snagu)**

Zakon stupa na snagu osmog dana od dana objavljivanja u “Službenim novinama Zeničko-dobojskog kantona”.

Broj: 01-02-10491/13
Datum, 07.05.2013. godine
Zenica

PREDSJEDAVALAČI**Sretko Radišić, s.r.****VLADA**

157.

Na osnovu člana 16. stav 1. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj 7/10) i člana 20. Stav 2. i članova 21. i 22. Zakona o dopunskim pravima branilaca i članova njihovih porodica (“Službene novine Zeničko-dobojskog kantona” broj 6/06, 9/07 i 18/12), Vlada Zeničko-dobojskog kantona, na prijedlog Ministarstva za boračka pitanja, na nastavku 107. sjednice, održanoj dana 18.04.2013.godine, d o n o s i

UREDBU**O IZMJENAMA I DOPUNAMA UREDBE O PREDNOSTI U ŠKOLOVANJU BRANILACA I ČLANOVA NJIHOVIH PORODICA****Član 1.****(Izmjena i dopuna člana 1. - Predmet Uredbe)**

U članu 1. Uredbe o prednosti u školovanju branilaca i članova njihovih porodica (“Službene novine Zeničko-dobojskog kantona” broj 12/07, u daljnjem tekstu: Uredba), iza broja “6/06” veznik “i” zamjenjuje se zarezom, a iza broja “9/07” dodaju se riječi: “i 18/12”.

Član 2.**(Izmjene i dopune člana 2. - Definicije)**

U članu 2. u stavu (4) iza riječi: “van braka” riječ “ili” se zamjenjuje zarezom, iza riječi: “usvojeno dijete” dodaje se zarez i riječi: “kao i pastorče koje je sa istim živjelo u zajedničkom domaćinstvu najmanje posljednju godinu dana”, nakon čega se stavlja tačka, a ostatak teksta se briše.

Član 3.**(Izmjena člana 12. - Izuzeće)**

U članu 12. tačka c) broj “150” zamjenjuje se brojem “200”.

Član 4.**(Izmjena člana 15. - Potrebna dokumentacija)**

U članu 15. tačka f) se briše.

Član 5.**(Izmjena člana 16. – Izbor kandidata)**

U članu 16. stav (2) riječi: “U slučaju nedovoljnog iznosa sredstava namijenjenih u svrhu novčane pomoći” na početku rečenice, se brišu.

Član 6.**(Izmjena člana 18. - Socijalno-ekonomska situacija)**

U članu 18. stav (4) riječi: “uvjerenje porezne uprave o ostvarenom prihodu (završni račun za proteklu godinu) odnosno plaćenom porezu za druge djelatnosti,” se brišu.

Član 7.**(Brisanje člana 20. - Stimulativni bodovi)**

Član 20. Uredbe se briše.

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	KOD	
Razdjel	17010001	Ministarstvo finansija Zeničko-dobojskog kantona

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Prijedlog Zakona o dopuni Zakona o porezu na promet nekretnina					


C 3. Izjava o nepostojanju dodatnih fiskalnih efekata predloženog propisa

Prijedlog Zakona o dopuni Zakona o porezu na promet nekretnina nema dodatnih fiskalnih efekata na Budžet Kantona.

D 4. Pečat i potpis odgovornog lica
obradivača, odnosno predlagača propisa

Mjesto i
datum

Zenica, 16.03.2018. godine





Broj: 01-02-1646-1/18
Zenica, 31.01.2018. godine

22

ZENIČKO-DOBOJSKI KANTON
Vlada Zeničko-dobojskog kantona
Stručna služba
n/r sekretara

PREDMET: Zaključci sa 55. sjednice Skupštine Kantona, dostavljaju se

U prilogu ovog dopisa dostavljamo Vam zaključke donesene na 55. sjednici Skupštine Zeničko-dobojskog kantona održanoj 31.01.2018. godine, kako slijedi:

1. Zaključak broj: 01-02-1646/18 i
2. Zaključak broj: 01-37-1647/18

oba od 31.01.2018. godine

S poštovanjem,

PRILOZI: Kao u dopisu

SEKRE TAR
Ibrahim Avdagić

DOSTAVLJENO:

1x Naslov-svi zaključci

1x Ministarstvo finansija ZDK, n/r ministra (zaključak pod r/br. 1),

1x Ministarstvo zdravstva ZDK, n/r ministra (zaključak pod r/br. 2),

1x Zavod zdravstvenog osiguranja Zeničko-dobojskog kantona, n/r direktorice (zaključak pod red/br. 2),

1x Amil Buljubašić, poslanik u Skupštini ZDK, (zaključak pod r/br. 1),

1x Midhat Delić, poslanik u Skupštini ZDK, (zaključak pod r/br. 2),

2 x U predmet 55. sjednice Skupštine Zeničko-dobojskog kantona/05-03


Na osnovu člana 112. stav 3. i 4. Poslovnika Skupštine Zeničko-dobojskog kantona - Novi prečišćeni tekst («Službene novine Zeničko-dobojskog kantona», broj: 7/12 i 12/13), Skupština Zeničko-dobojskog kantona, na 55. sjednici održanoj 31.01.2018. godine, donijela je:

ZAKLJUČAK

1. Skupština Zeničko-dobojskog kantona prihvata Inicijativu Amila Buljubašića, poslanika u Skupštini Zeničko-dobojskog kantona za donošenje Zakona o izmjeni i dopuni Zakona o porezu na promet nekretnina Zeničko-dobojskog kantona („Službene novine Zeničko-dobojskog kantona“, broj: 6/09 i 6/13).
2. Skupština Zeničko-dobojskog kantona zadužuje Ministarstvo finansija i Vladu Zeničko-dobojskog kantona, da u smislu predložene inicijative, u roku od 30 dana pripreme i u skupštinsku proceduru dostave Prijedlog Zakona o izmjeni i dopuni Zakona o porezu na promet nekretnina Zeničko-dobojskog kantona.
3. Zaključak stupa na snagu danom donošenja i dostavit će se Amilu Buljubašiću, poslaniku u Skupštini Zeničko-dobojskog kantona, kao podnosiocu inicijative.

Broj: 01-02-1646/18

Datum, 31.01.2018. godine
Zenica



02

10415
27276

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona na 117. sjednici, održanoj 15.11.2017. godine, d o n o s i

ZAKLJUČAK

I

Prihvata se Mišljenje Ministarstva finansija Zeničko-dobojskog kantona broj: 07-02-7310-3/17 od 30.10.2017. godine, kojim se poslanička inicijativa poslanika u Skupštini Zeničko-dobojskog kantona, gospodina Amila Buljubašića, kojom se predlaže donošenje Zakona o izmjeni i dopuni Zakona o porezu na promet nekretnina („Službene novine Zeničko-dobojskog kantona“, broj: 6/09 i 6/13), ocjenjuje neprihvatljivom.

II

Zaključak sa Mišljenjem iz tačke I. upućuju se u dalju skupštinsku proceduru.

III

Zaključak stupa na snagu danom donošenja.

Broj: 02-02-15186 /17.
Datum, 15.11.2017. godine
Zenica

DOSTAVLJENO:

- 1x Skupština Zeničko-dobojskog kantona,
- 1x Ministarstvo finansija,
- 1x a/a.



PREMIJER
Mirko Galijašević



Broj: 07-02-7310-3/17
Zenica, 30.10.2017. godine

STRUČNA SLUŽBA VLADE

Na osnovu **poslaničke inicijative poslanika u Skupštini Zeničko-dobojskog kantona, gospodina Amila Buljubašića**, a kojom se predlaže donošenje **Zakona o izmjeni i dopuni Zakona o porezu na promet nekretnina** („Službene novine Zeničko-dobojskog kantona“, broj: 6/09 i 6/13), dostavljamo Vam slijedeće

Mišljenje

Poslanik u Skupštini Zeničko-dobojskog kantona, gospodin Amil Buljubašić je uputio poslaničku inicijativu na 40. sjednici Skupštine Kantona, održanoj 08.05.2017. godine, a kojom se predlaže donošenje Zakona o izmjeni i dopuni Zakona o porezu na promet nekretnina („Službene novine Zeničko-dobojskog kantona“, broj: 6/09 i 6/13), u smislu da se kupovina nekretnine (stana određene kvadrature ili kupovina parcele od 600 m²) za mlade koji prvi put rješavaju svoje stambeno pitanje oslobodi plaćanja poreza na promet nekretnina.

Kako je članom 5. Zakona o porezu na promet nekretnina („Službene novine Zeničko-dobojskog kantona“, broj: 6/09 i 6/13), propisano, da je porez na promet nekretnina „prihod budžeta općine na čijem području je ostvaren“, Ministarstvo finansija je navedenu Inicijativu uz svoj akt broj: 07-02-7310/17 od 15.05.2017. godine, dostavilo Savezu općina i gradova FBiH, radi pribavljanja njihovog mišljenja po navedenom pitanju.

Naime, odredbama člana 34. stav 4. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), propisano je: „Zakonodavac je dužan pribaviti mišljenje od Saveza općina i gradova o svim pitanjima koja se odnose na dodjelu sredstava, kao i o svim promjenama zakona koje mogu utjecati na finansijske obaveze jedinica lokalne samouprave.“

U aktu Saveza općina i gradova Federacije BiH, broj: 408/17 od 30.06.2017. godine, navedeno je da je Predsjedništvo Skupštine Saveza na svojoj Prvoj sjednici održanoj 28.06.2017. godine u Sarajevu, uzmeđu ostalog, razmatralo i predmetnu Inicijativu, te donijelo slijedeći zaključak:


- „Predsjedništvo Skupštine Saveza općina i gradova FBiH ne može zauzeti stav o ovoj inicijativi zbog različitog mišljenja jedinica lokalne samouprave Zeničko-dobojskog kantona;
- Predsjedništvo Skupštine Saveza općina i gradova FBiH predlaže da se, u najvećoj mogućoj mjeri uvažavaju mišljenja jedinica lokalne samouprave sa područja Zeničko-dobojskog kantona pošto se radi o 100%-nom prihodu jedinica lokalne samouprave.“

Imajući u vidu da bi usvajanje navedene Inicijative dovelo do smanjenja prihoda grada i općina sa područja Zeničko-dobojskog kantona, jer je porez na promet nekretnina „prihod budžeta općine na čijem području je ostvaren“, a kako iz navedenog Zaključka Predsjedništva Skupštine Saveza općina i gradova FBiH proizilazi da određene jedinice lokalne samouprave sa područja Zeničko-dobojskog kantona nisu saglasne sa prihvatanjem navedene Inicijative, Ministarstvo finansija je mišljenja da se iz navedenih razloga (zbog odsustva nedvosmislene saglasnosti svih jedinica lokalne samouprave sa područja Zeničko-dobojskog kantona i pozitivnog mišljenja Saveza općina i gradova), predmetna Inicijativa ne treba prihvatiti.

S poštovanjem.

DOSTAVLJENO:

1x/Naslovu,
1x a/a.





Broj: 01- 02-4310 /17
Zenica, 10.05.2017. godine

VLADA ZENIČKO-DOBOJSKOG KANTONA

- n/r premijera Kantona
- n/r sekretara Vlade

**ZAKONODAVNO-PРАВNA KOMISIЈА SKUPŠTINE-putem Odjeljenja za poslove
radih tijela Skupštine – 04-01**

**PREDMET: Inicijativa za donošenje Zakona o izmjeni i dopuni Zakona o porezu na
promet nekretnina Zeničko-dobojskog kantona -dostavlja se,**

Amil Buljubašić, poslanik u Skupštini Zeničko-dobojskog kantona pokrenuo je na 40. sjednici Skupštine Zeničko-dobojskog kantona održanoj 08.05.2017. godine, u okviru predtačke dvenog reda: „Postavljanje poslaničkih pitanja i pokretanje inicijativa“, Inicijativu za donošenje Zakona o izmjeni i dopuni Zakona o porezu na promet nekretnina Zeničko-dobojskog kantona („Službene novine Zeničko-dobojskog kantona“, broj: 6/09 i 6/13).

S tim u vezi, u skladu sa članom 112. stav 1. Poslovnika Skupštine Zeničko-dobojskog kantona, u prilogu vam dostavljam na mišljenje predmetnu inicijativu o kojoj ste se dužni izjasniti u roku od **30 dana**, radi daljeg postupanja Skupštine po istoj u skladu s Poslovníkom Skupštine.

S poštovanjem!

SEKRETAR

Ibrahim Avdagić

**Prilozi: dio transkripta sa 40. sjednice Skupštine u kome je (sadržana) inicijativa
poslanika Buljubašića i inicijativa predata u pisanoj formi**

Dostavljeno:

- 1x Naslovu
- 1x Svim poslanicima Skupštine/05-03,
- 1x Ministarstvu finansija ZDK
- 1x U spis predmeta/03 „R“

AMIL BULJUBAŠIĆ

Pozdravljam prvo rukovodstvo Skupštine, ministre, kolege zastupnike, medije i građane Zeničko-dobojskog kantona. Podnosim danas jednu inicijativu koja je već ranije bila u proceduri, pa ću je pročitati kratko, neću obrazložiti.

Inicijativa za donošenje Zakona o izmjeni i dopuni Zakona o porezu na promet nekretnina Zeničko-dobojskog kantona. Na osnovu člana 89. stav 1. tačka a i b Poslovnika o radu Skupštine Zeničko-dobojskog kantona podnosim ovoj Skupštini inicijativu za donošenje Zakona o izmjeni i dopuni Zakona o porezu na promet nekretnina Zeničko-dobojskog kantona te predlažem da ista nakon što pribavi mišljenje Zakonodavno-pravne komisije i Vlade Kantona donese zaključak kojim se inicijativa prihvata, te odredi način pripreme i nosioca izrade Nacrta Zakona. Pokrećem inicijativu za izmjenju i dopunu Zakona o porezu na promet nekretnina. Službene novine Zeničko-dobojskog kantona broj 6/09 i 6/13 i to člana 6. koji reguliše oslobađanje od plaćanja poreza na promet nekretnina, taksativno nabrojano tačkama od a do m, ko je i pod kojim uslovima oslobođen od plaćanja poreza na promet nekretnina. Ovom inicijativom predlažem da se iza tačke m doda nova tačka n koja treba da glasi: „Na promet nekretnina u slučajevima kada nekretnine stječu osobe do navršene starosne dobi do 35 godina ili bračni par od čega bar jedan bračni drug starosne dobi do navršenih 35 godina, a koji stječu stambeno pravo kupovinom stana do 80 m² ili kupovinom kuće tlocrtne površine do 80 m² ili kupovinom zemljišta za gradnju kuće u površini od 600 m², prvi put stječu nekretninu po bilo kojem osnovu ili rješavaju svoje stambeno pitanje. Obrazloženje neću čitati, malo je poduže, a svjesni smo okolnosti. Zahvaljujem.

Klub poslanika, SDP BiH u Skupštini ZDK

Buljubašić Amil

Poslanik u skupštini Zeničko-dobojskog kantona

SKUPŠTINA ZENIČKO - DOBOJSKOG KANTONA
PREDSJEDAVAJUĆEM SKUPŠTINE

PREDMET: Inicijativa za donošenje Zakona o izmjeni i dopuni Zakona o porezu na promet nekretnina Zeničko- dobojskog kantona;

Na osnovu člana 89. stav 1. tačka a. i b. Poslovnika o radu Skupštine Zeničko-dobojskog kantona, podnosim istoj inicijativu za donošenje Zakona o izmjeni i dopuni Zakona o porezu na promet nekretnina Zeničko- dobojskog kantona, te predlažem da ista nakon što pribavi mišljenje Zakonodavno-pravne komisije i Vlade kantona donese zaključak kojim se inicijativa prihvata te odredi način pripreme i nosioce izrade nacrtu zakona.

Pokrećem inicijativu za izmjenu i dopunu Zakona o porezu na promet nekretnina („Službene novine Zeničko-dobojskog kantona“, broj: 6/09 i 6/13) i to člana 6. koji reguliše oslobađanje od plaćanja poreza na promet nekretnina, taksativno nabrajajući tačkama od a.) do m.) ko je i pod kojim uslovima oslobođen od plaćanja poreza na promet nekretnina.

Ovom inicijativom predlažem da se iza tačke m.) doda nova tačka n.) koja bi trebala da glasi:

„na promet nekretnina u slučajevima kada nekretninu stiče osoba do navršene starosne dobi od 35. godina, ili bračni par od čega bar jedan bračni drug starosne dobi do navršenih 35. godina, a koji :

1. kupovinom stana do 80 m²,
2. kuće tlocrtne površine do 80 m², ili
3. zemljišta „za gradnju kuće“ u površini do 600 m²,

prvi put stiče nekretninu po bilo kom osnovu i rješava svoje stambeno pitanje.“

Obrazloženje:

Pravni osnov

Članom 89. stav 1. tačka a. i b. propisano je da Poslanik ima pravo i dužnost da inicira donošenje odluka i zakona u nadležnosti Skupštine, te inicira donošenje drugih akata u nadležnosti Skupštine.

Smatram da je potrebno izvršiti izmjenu i dopunu Zakona o porezu na promet nekretnina i to člana 6. koji reguliše oslobađanje od plaćanja poreza na promet nekretnina, taksativno nabrajajući tačkama od a.) do m.) ko je i pod kojim uslovima oslobođen od plaćanja poreza na promet nekretnina.

Izmjenu predlažem u smislu da se porez na promet nekretnina ne plaća u slučajevima kada nekretninu stiče osoba do navršene starosne dobi od 35. godina, ili bračni par od čega bar jedan bračni drug starosne dobi do navršenih 35. godina, a kojikupovinom stana do 80 m², ilikuće ili zemljišta za gradnju kuće u površini do 600 m², prvi put stiče nekretninu po bilo kom osnovu i rješava svoje stambeno pitanje.

Zanči, da ne bi došlo do plaćanja poreza na promet nekretnina, kumulativno moraju biti ispunjena četiri uslova:

- da se radi o osobi starosne dobi do navršenih 35. Godina života
- da prvi put stiče nekretninu po bilo kom osnovu
- da predmetna nekretnina bude odgovarajuće površine (stan do 80 m², kuća tlocrtne površine do 80m² ili zemljište za gradnju kuće do 600 m²)
- da nekretninu stiče isključivo radi rješavanja stambenog pitanja

Ovom inicijativom želim iskazati želju i namjeru da se mladima koji prvi put rješavaju stambeno pitanje pomogne i na ovaj način kroz oslobađanje od poreza. Obavljanjem poslaničke funkcije svi mi smo bili u situaciji da na jednoj strani dodjeljujemo „sredstva za stambeno zbrinjavanje mlade populacije“, a ti isti mladi su s druge strane opterećeni plaćanjem poreza u tom „stambenom zbrinjavanju“, upravo na osnovu Zakona na čije donošenje utičemo direktno mi.

Često spominjemo mlade i našu želju da im pomognemo u rješavanju stambenog pitanja, zato ovom inicijativom želim dati lični doprinos populaciji mladih kako bismo kroz skupštinsku proceduru donijeli izmjenu i dopunu navedenog zakona.

Gotovo istu inicijativu pokretao sam i ranije međutim ista nije bila prihvaćena od strane vlade i skupštine ZDK.

Naime, Odredbom člana 34.stav 4. Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), propisano je da je „Zakonodavac dužan pribaviti mišljenje od Saveza općina i gradova o svim pitanjima koja se odnose na dodjelu sredstava, kao i o svim promjenama zakona koje mogu utjecati na finansijske obaveze jedinica lokalne samouprave.“

Pozivajući se na navedenu odredbu, a iz razloga što Savez općina i gradova nije u razumnom roku dostavio mišljenje na predložene izmjene i dopune Zakona o porezu na promet nekretnina, te smatrajući da bi usvajanje navedene inicijative dovelo do smanjenja prihoda grada i općina sa područja ZDK, jer je porez na promet nekretnina „prihod budžeta općine na čijem području je ostvaren“, Ministarstvo finansija bilo je mišljenja da se predmetna inicijativa ne treba prihvatiti.

Ukoliko pogledamo ukupan broj mladih lica koji kupuju nekretnine radi rješavanja stambenog pitanja, vidjet ćemo koliki je to minoran postotak u odnosu na ukupan prihod koji općina ostvari po osnovu plaćanja poreza na promet nekretnina.

Svjesni smo činjenice da je platežna moć mlade populacije veoma slaba, da je veliki broj nezaposlenih, koji samo zahvaljujući pomoći roditelja, na težak način uspijevaju riješiti svoje

stambeno pitanje. Sve veći broj mladih obrazovanih ljudi odlučuje da napusti našu zemlju u nadi na da će negdje pronaći bolje uslove za život.

Ako ova minorna sredstva koja općine pribavljaju po osnovu plaćanja poreza na promet „mlade populacije“ mogu utjecati na finansijske obaveze jedinica lokalne samouprave i do te mjere mogu dovesti do toga da neka od općina ne bude u mogućnosti ispunjavati svoje finansijske obaveze. svi mi morali bi se zapitati šta to radimo pogrešno.

Prihodi općine po ovom osnovu toliko su mali, gotovo zanemarljivi, tako da je upitno da li je u ovom slučaju i bilo potrebno tražiti mišljenje Saveza gradova i općina, koje je ranije izostalo, što svakako ne znači da bi isto bilo negativno.

Osim toga, ukoliko se prihvati ova inicijativa. Nacrt Zakona o izmjenama i dopunama Zakona porezu na promet nekretnina bit će upućen na javnu raspravu po općinama gdje će svaka općina biti u prilici da se izjasni o istom.

Često spominjemo mlade i našu želju da im pomognemo u rješavanju stambenog pitanja, zato bar na ovaj način pokažimo da mislimo na svoje mlade.

Napomenuo bih i činjenicu da i trenutno postoji zakonska mogućnost da općine donesu odluke o naplaćivanju poreza na nekretnine, ali ne žele to učiniti, jer očitno ne žele stvarati nove namete građanima. Čak i ova činjenica ide u prilog da se usvoji predložena inicijativa.

Shodno navedenom Predlažem Skupštini Zeničko-doboškog kantona da donese zaključak kojim prihvata inicijativu poslanika Buljubašić Amila za izmjenu i dopunu Zakona o porezu na promet nekretnina („Službene novine Zeničko-dobojskog kantona“, broj: 6/09 i 6/13), te zaduži Vladu Zeničko-dobojskog kantona da pripremi Nacrt zakona o izmjenama i dopunama Zakona o porezu na promet nekretnina i dostavi ga u daljnju skupštinsku proceduru u skladu sa poslovníkom.

Dana: 08.05.2017. godine

Podnosilac inicijative


Buljubašić Amil, poslanik



Broj: 07-02-7310:17
Datum, 15.05.2017. godine

HITNO

Savez općina i gradova FBiH
Musala 5/I
71000 Sarajevo

PREDMET: Mišljenje o Inicijativi za izmjenu i dopunu Zakona o porezu na promet nekretnina
- *traži se*

Ministarstvu finansija je na razmatranje upućena **poslanička inicijativa poslanika u Skupštini Zeničko-dobojskog kantona, gospodina Amila Buljubašića**, pokrenuta na 40. sjednici Skupštine Kantona, održanoj 08.05.2017. godine, a kojom se predlaže donošenje **Zakona o izmjeni i dopuni Zakona o porezu na promet nekretnina** („Službene novine Zeničko-dobojskog kantona”, broj: 6/09 i 6/13).

Odredbama člana 34. stav 4. Zakona o principima lokalne samouprave u Federaciji BiH („Službene novine Federacije BiH”, broj: 49/06 i 51/09), propisano je: “Zakonodavac je dužan pribaviti mišljenje od Saveza općina i gradova o svim pitanjima koja se odnose na dodjelu sredstava, kao i o svim promjenama zakona koje mogu utjecati na finansijske obaveze jedinica lokalne samouprave.”

Članom 5. Zakona o porezu na promet nekretnina („Službene novine Zeničko-dobojskog kantona”, broj: 6/09 i 6/13), propisano je da je porez na promet nekretnina “prihod budžeta općine na čijem području je ostvaren”.

Imajući u vidu navedeno, prije dostavljanja mišljenja Ministarstva finansija po navedenoj Inicijativi u skladu sa odredbama člana 112. stav 1. Poslovnika Skupštine Zeničko-dobojskog kantona, Ministarstvo finansija je obavezno pribaviti mišljenje Saveza općina i gradova FBiH po navedenom pitanju, prema odredbama člana 34. stav 4. Zakona o principima lokalne samouprave u Federaciji BiH

S tim u vezi, molimo Vas da imajući u vidu rokove propisane Poslovníkom Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona”, broj: 7/12 i 12/13), **hitno, a najkasnije do 31.05.2017. godine dostavite Vaše mišljenje u vezi sa navedenom Inicijativom.**

Molimo Vas za hitno postupanje.

S poštovanjem!

DOSTAVLJENO:

1x Naslovu,

1x na uvid - poslanik u Skupštini Zeničko-dobojskog kantona,
gospodin Amil Buljubašić, putem Stručna služba Skupštine

1x p/a.





4355

0209

Broj: 02-1-02-7310-1/17
Zenica, 15.05.2017. godine

02

MINISTARSTVO FINANSIJA
N/R MINISTRA

PREDMET: Mišljenje po Inicijativi Amila Buljubašića, traži se

U prilogu Vam dostavljamo akt Stručne službe Skupštine Zeničko-dobojskog kantona, broj: 01-02-7310/17 od 10.05.2017. godine, kojim se prosljeđuje Vladi Kantona na mišljenje Inicijativa za donošenje Zakona o izmjeni i dopuni Zakona o porezu na promet nekretnina Zeničko-dobojskog kantona („Službene novine Zeničko-dobojskog kantona“, broj: 6/09 i 6/13), pokrenuta od strane Amila Buljubašića, poslanika u Skupštini Zeničko-dobojskog kantona.


S obzirom da je Inicijativa podnesena u skladu sa članom 111. i 112. Poslovnika Skupštine Zeničko-dobojskog kantona (“Službene novine Zeničko-dobojskog kantona”, broj: 7/12 i 12/13) i kako se od Vlade traži mišljenje, potrebno je da pripremite akt za sjednicu Vlade u formi i u obliku u kome će biti donešen, a u skladu sa Poslovníkom o radu Vlade Zeničko-dobojskog kantona (“Službene novine Zeničko-dobojskog kantona”, broj: 5/11).

S poštovanjem,

Prilog:
- kao u tekstu.

Dostavljeno:
 Naslovu,
1x a/a.

SEKRETAR





Broj: 07-02-7310-1/17
Datum, 17.05.2017. godine

STRUČNA SLUŽBA VLADE

PREDMET: Odgovor po pitanju dostave mišljenja po Inicijativi Amila Buljubašića - *dostavlja se*

Vežano za Inicijativu poslanika u Skupštini Zeničko-dobojskog kantona, gospodina Amila Buljubašića, pokrenutu na 40. sjednici Skupštine Kantona, održanoj 08.05.2017. godine, a kojom se predlaže donošenje Zakona o izmjeni i dopuni Zakona o porezu na promet nekretnina („Službene novine Zeničko-dobojskog kantona“, broj: 6/09 i 6/13), dostavljamo Vam slijedeći odgovor:

Odredbama člana 34. stav 4. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), propisano je: “Zakonodavac je dužan pribaviti mišljenje od Saveza općina i gradova o svim pitanjima koja se odnose na dodjelu sredstava, kao i o svim promjenama zakona koje mogu utjecati na finansijske obaveze jedinica lokalne samouprave.”

Članom 5. Zakona o porezu na promet nekretnina („Službene novine Zeničko-dobojskog kantona“, broj: 6/09 i 6/13), propisano je da je porez na promet nekretnina “prihod budžeta općine na čijem području je ostvaren”.

Prihvatanje pokrenute Inicijative za donošenje Zakona za izmjenu i dopunu Zakona o porezu na promet nekretnina, dovelo bi do proširenja poreznih oslobođanja, odnosno do smanjenja poreznih prihoda jedinica lokalne samouprave.

Imajući u vidu navedeno, prije dostavljanja mišljenja Ministarstva finansija prema Vladi kantona po navedenoj Inicijativi, u skladu sa odredbama člana 112. stav 1. Poslovnika Skupštine Zeničko-dobojskog kantona, Ministarstvo finansija je prema odredbama člana 34. stav 4. Zakona o principima lokalne samouprave u Federaciji BiH, obavezno pribaviti i mišljenje Saveza općina i gradova FBiH po spomenutoj Inicijativi.

S tim u vezi, našim aktom broj: 07-02-7310/17 od 15.05.2017. godine, obratili smo se Savezu općina i gradova za mišljenje po navedenom pitanju.

Nakon pribavljanja predmetnog mišljenja, Ministarstvo finansija će nastaviti proceduru po navedenoj Inicijativi, u skladu sa odredbama Poslovnika Skupštine Zeničko-dobojskog kantona.

S poštovanjem.

DOSTAVLJENO:

1x Naslovu,

1x a/a.





Broj: 07-02-7310-1/17
Datum, 14.06.2017. godine

HITNO

Saveza općina i gradova FBiH
Musala 5/I
71000 Sarajevo

PREDMET: Urgencija za dostavu Mišljenja po Inicijativi za izmjenu i dopunu
Zakona o porezu na promet nekretnina - *dostavlja se*

Ministarstvu finansija je na razmatranje upućena **poslanička inicijativa poslanika u Skupštini Zeničko-dobojskog kantona, gospodina Amila Buljubašića**, pokrenuta na 40. sjednici Skupštine Kantona, održanoj 08.05.2017. godine, a kojom se predlaže donošenje **Zakona o izmjeni i dopuni Zakona o porezu na promet nekretnina** („Službene novine Zeničko-dobojskog kantona“, broj: 6/09 i 6/13).

Odredbama člana 34. stav 4. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), propisano je: “Zakonodavac je dužan pribaviti mišljenje od Saveza općina i gradova o svim pitanjima koja se odnose na dodjelu sredstava, kao i o svim promjenama zakona koje mogu utjecati na finansijske obaveze jedinica lokalne samouprave.”

Članom 5. Zakona o porezu na promet nekretnina („Službene novine Zeničko-dobojskog kantona“, broj: 6/09 i 6/13), propisano je da je porez na promet nekretnina “prihod budžeta općine na čijem području je ostvaren”.

Imajući u vidu navedeno, prije dostavljanja mišljenja Ministarstva finansija po navedenoj Inicijativi u skladu sa odredbama člana 112. stav 1. Poslovnika Skupštine Zeničko-dobojskog kantona, Ministarstvo finansija je obavezno pribaviti mišljenje Saveza općina i gradova FBiH po navedenom pitanju, prema odredbama člana 34. stav 4. Zakona o principima lokalne samouprave u Federaciji BiH.

S tim u vezi, molimo Vas da imajući u vid rokove propisane Poslovníkom Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13), **hitno, dostavite Vaše mišljenje u vezi sa navedenom Inicijativom.**

Molimo Vas za hitno postupanje.

S poštovanjem!

DOSTAVLJENO:

1x Naslovu,
1x na uvid - poslanik u Skupštini Zeničko-dobojskog kantona,
gospodin Amil Buljubašić, putem Stručna služba Skupštine,
1x a/a.

MINISTAR

Andrej Kajić



492

02

Sarajevo, 30.06.2017.godine
Broj: 408/17

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
Ministarstvo finansija
N/r Andrej Kajić, ministar

Predmet: veza vaš dopis broj 07-02-7310/17 od 15.05.2017.godine

Poštovani,

Savez općina i gradova Federacije Bosne i Hercegovine je u skladu sa članom 51. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06) zakonski zastupnik svojih članica pred vlastima u Federaciji Bosne i Hercegovine.

U skladu s navedenim, Predsjedništvo Skupštine Saveza je na Prvoj sjednici održanoj 28.06.2017. godine u Sarajevu, između ostalog, razmatralo i Inicijativu o izmjenama i dopunama Zakona o porezu na promet nekretnina Zeničko-dobojskog kantona, te donijelo sljedeći **zaključak**:

- **Predsjedništvo Skupštine Saveza općina i gradova FBiH ne može zauzeti stav o ovoj inicijativi zbog različitog mišljenja jedinica lokalne samouprave Zeničko-dobojskog kantona;**
- **Predsjedništvo Skupštine Saveza općina i gradova FBiH predlaže da se, u najvećoj mogućoj mjeri uvažavaju mišljenja jedinica lokalne samouprave sa područja Zeničko-dobojskog kantona pošto se radi o 100%-nom prihodu jedinica lokalne samouprave.**

Predsjednik Predsjedništva Skupštine Saveza
Hamdo Ejubović, s.r.



Mučala 5/1 71000 Sarajevo

Tel: +387 (0)33 216 502 / +387 (0)33 209 024 / +387 (0)33 209 120 / +387 (0)33 552 810
Fax: +387 (0)33 552 810 / +387 (0)33 216 502 / Email: ssavez@sogfbih.ba / Web: www.sogfbih.ba